

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（213）

國家圖書館出版社

中國地方志佛道教文獻匯纂·寺觀卷
江西省

江西考古錄

清·王謨纂

清乾隆三十二年（一七六七）原刻

光緒十七年（一八九一）重刻本

賦梅書屋藏版

《中國地方志聯合目錄》不載此志

江西考古錄卷三

金谿王 謨仁圃甫著

山阜

廬山二則

廬山之名始見於竹書紀年

見古蹟
康王谷

實肇于山海經

非因匡俗得名也遠法師廬山記曰殷周之際匡俗

先生奚

一作
受字

道仙人共遊此山時人謂其所止爲神

僊之廬因以名山矣周景式廬山記曰匡俗字子孝

本東里子出周武王時生而神靈屢逃徵聘廬於此

山時人敬事之俗後僊化空廬猶存弟子覩室悲哀
哭之旦暮同烏號世號廬君故山取號焉水經注駁
之云斯耳傳之談非實證也按山海經大禹記錄遠
矣故海內東經有曰廬江出三天子都入江彭澤西
是曰廬江之名山水相依互舉殊稱明不因匡俗始
正是好事君子強引此類用成章句耳又熊默豫章
舊志云廬俗字君孝本姓匡父東野王共鄱陽令吳
芮佐漢定天下而亡漢封俗于鄡陽曰越廬君俗兄
弟七人皆好道術遂寓精於洞庭之山故世謂之廬

山漢武帝南巡覩山以爲神靈封俗大明公張僧監

尋陽記云匡俗字子孝一曰子希師老聃得久視之

道結茅虎溪修煉七百年定王問太史伯陽神仙之

在世者伯陽舉五嶽諸仙以對先生其一也因召之

不應其後二百年威烈王以安車迎之使未至先二

日白日輕舉使者惟得其草廬焉人因呼爲廬山二

說皆屬附會亦未考紀年在周康王時已名廬山也

然廬山得名匡山

建康實錄桓元遺書匡山惠遠法師

又稱匡俗山

南史

張正見爲彭澤令避地匡俗山

則固當如諸說所云耳唐盧蕃廬江

異

四辨亦駁正諸說云廬山因廬江而名與水經注小
按五嶽真形圖五嶽皆有佐命之山黃帝省方南至
於江請命上帝乃拜潯霍二山爲南嶽儲君青城山
爲丈人廬山爲使者則廬山亦南嶽佐命耳廬山志
乃引南嶽記云漢武帝以衡山道遠徙南嶽之祭於
廬山潯山今詳本記乃廬江潯山非廬山也然廬山
亦稱南嶽顏延之陶徵君誄云有晉徵士尋陽陶淵
明南嶽之幽居者也是則指言廬山猶陶詩南阜云

爾
見
詩
序
針
川

石鐘山

水經云彭蠡之口有石鐘山焉酈道元以爲下臨深潭微風鼓浪水石相搏響若洪鐘因受其稱李渤辨之云如善長論則瀕流庶峯皆可以斯名貫之乃訪

其遺踪得雙石潭上曰石鐘也有銅鐵之異焉扣而
聆之南聲函胡北聲清越桴止響騰餘韻徐歇若非
潭滋其山山涵其英聯氣凝質發爲至靈不然則安
能產茲奇石乎蘇軾又申酈說云山下皆石穴罅不
知其淺深微波入焉涵澹澎湃而爲此大聲噌吰如
鐘鼓不絕又兩山間將入港口有大石當中流可坐
百人空中而多竅與風水相吞吐有窾坎鏗鏘之聲
與向之噌吰者相應而所謂石鐘者扣之硃硃然以
此嘆酈氏之簡而笑李渤之陋余又以爲楚則失矣

齊亦未爲得也。大江出岷山至廣陵入海行地數千里至石鐘山而後有聲如蘇說風水吞吐與酈注水石相搏實只一意。但語有繁簡耳。固不出李氏所誚也。李渤之論不爲無見。惜其說尙少根據。予按陳馬樞道學傳禹得元女之法。標其二五九蹟之術。開九江遇巨石一鳴其術。石卽銷金。李記云石鐘也。而有銅鐵之異。正所謂石卽銷金者也。自非大禹神功。必不能致茲靈異。呂氏春秋禹鑿江而通九路。太史公亦云禹疏九江。若石鐘山正其疏鑿遺蹟。通志載德

安縣北有烏石山兩崖相對名烏石門猶相傳爲神
禹治水所開兩岸若有疏鑿痕今上鐘山在湖口縣
南下鐘山在湖口縣北其爲禹開九江遇巨石處無
疑然猶病其說之無稽也最後得楊守陳石鐘山銘
云山有巨石舊銘禹功苔蝕蘚剝有光流虹以茲山
爲禹所闢始嘆其先得我心道學傳所言於此信而
有徵而酈蘇二說之不足以定石鐘也審矣

石門山

按藝文類聚石門山自爲一條引遠法師廬山記曰

西南有石門山其形似雙闕壁立千餘仞而瀑布流焉應景式廬山記曰石門山在康王谷東北八十餘里乃一山之大谷有澗水亦名石門澗吐源渡遠爲衆泉之宗每夏霖秋潦轉石發樹聲動數十里又引謝靈運名山志云石門山兩巖間微有門形故以爲稱瀑布飛瀉丹翠交曜與二記說石門瀑布俱同則謝詩登石門最高嶺及石門巖上宿二首皆當指廬山石門也鮑照亦有登廬山望石門詩廬山諸道人
有遊石門詩序水經注則言廬山之北有石門水故

通志載石門澗水不更列石門山明相因也

梅嶺

江西有三梅嶺皆見史記其一卽大庾嶺見史記張耳傳注在南安府城西南二十五里稍西北有小梅嶺唐開元以前入越之路由此其一在南昌西山見史記東越傳云令諸校屯豫章梅嶺待命徐廣注在會稽界索隱曰徐說非也今豫章三十里有梅嶺在

洪崖山

詳見古蹟

當古驛道此文云豫章梅嶺知非會稽

也是卽今西山梅嶺爲梅福學僊處余靖西山行程

記曰梅嶺有梅僊壇壇側有梅僊觀其一在寧都縣

北界連建昌通志引漢書元鼎五年王溫舒征東越

出此亦見史記東越傳正義引括地志云梅嶺在虔

化縣東北百二十八里虔州漢亦屬豫章郡唐書地

理志亦云虔化縣

卽寧都縣

有梅嶺山以其界連建昌故

文獻通考又云南豐有梅嶺也今考大庾梅嶺固以

梅嶺得名若西山梅嶺爲梅福學僊處福成帝時人

不應在武帝時便得名梅嶺也則史記所言諸校尉
屯豫章梅嶺及王溫舒所出梅嶺皆以屬寧都者爲
正詳見邱成和梅嶺考